

Insignis est prodigo veterum luxu seu pretium, seu coquos, seu lances confideres. Argenti pari pondere saepius a privatis etiam Quiritibus emptum, cum pedis longitudinem superaret, Iovius prodidit. *Afinius celer Claudio Principe unum octo millibus nummum*, id est, quadringentis plus minus Caroleis, *mercatus est*, licet magis luxuriam aestimare, quod Plinius suis temporibus neget, facile Mullum repertum, qui duas libras excederet. Crispinus Aegyptius ex servili conditione ad equestrem dignitatem Domitiani indulgentia evectus,

— — *Mullum sex millibus emit*

Aequantem sane paribus sestertia libris.

Publ. Octavius ingentis formae (quatuor pondo et ad selibram esse ajebant) a Tiberio Caesare in macellum missum, quinque millibus sestertiis mercatus est. Idem tres, triginta millibus nummum vaenisse, graviter conqueritur, et annonam macelli Senatus arbitratu quotannis temperandam censet. Nec satis soluta luxuria videbatur, nisi et coci maximo conducerentur pretio. *Reputatio haec inquit Plinius aufert transversum animum ad contemplationem eorum, qui in conquestione luxus, coquos emi singulos pluris quam equos quiritabant. At nunc coci triumphorum pretiis parantur, et coquorum pisces. Nullusque prope jam mortalis aestimatur pluris, quam qui peritissime censum Domini mergit.* Lances quibus inferebatur, *Chrysendeta* Martialis vocat, vel crustis aureis ornabantur; vel gemmatae fuere; gemmae auro confertae et contestae tenebantur, ut Turnebus explicat. Non eadem tamen omnibus praestantia. Polluci Ionici maxime placent. Actio Syncero, qui ad rupes Herculeas capiuntur. Naufricati Aexonici: Aexonia Magnesia urbs est, sed Cratinus eos improbat. Archestratus laudat Tichuntinos; Tichus castellum prope Tachinam Campaniae oppidum est. Corfi-

cae et Taurominitanae rupes a Juvenale celebrantur.

Perothus praestantissimos in mari Tyrrheno juxta Corniculum, et Tarquinios capi prodidit. Jovius Romae hyeme et suburbano mari captos maxime praedicari; Ligusticis, Venetis, et Neapolitanis non eam saporis gratiam esse; quanquam multo grandiores in convivia veniant, scribit.

Sed et longius a littoribus captis sua quoque gloria. Purior enim aqua in causa, corporis rubicundus, igneus, aureusque fulgor argumentum. Magnas parvis gulae proceres praeferebant, seu propter majora capita, et jecinora; summopere ista expetita ex Galeno habemus: seu quod ita subtilioribus pabulis placeret; seu ut inexplibilem gulam pretiosissimo obsonio explerent, quas Philoxenum Poëtam apud Dionysium fecisse legimus. Heliogabalus non integros, sed quod praecipue stupendum Lampridius scribit, barbas eorum plenis discis, palatinis suis apposuit.

De carnis qualitate inter scriptores non convenit. Xenocrates obsoniorum praestantissimum, stomacho idoneum, ori gratum, boni succi, carne plana, difficilem ad corrumpendum, mediocrem ad excernendum pronunciavit. Celsus medium inter duras et teneras carnes habentes reponit. Diocli, Philotimo et Psello difficulter concoquitur. Durissima est et valde friabilis, boni nutrimenti, si bene concocta fuerit, Galeno. Apparatus ad Oeconomiam pertinet. *Olim parum videbatur recens Mullus, nisi qui in convivae manu moreretur. Vitreis ollis inclusis offerebantur, et observabatur morientium color, quem in multas mutationes mors luctante spiritu vertit.* Apicius ad omne luxus ingenium mirus, in sociorum garo (nam ea quoque res cognomen invenit) necari eos praecellens putavit.

Venit et inter *Remedia*. Sanguinis et haemorrhoidum fluxus promovet. Saepe sumptus oculorum aciem hebetat.

Juvenal.
Satyr. 5.

Galen. de
Aliment.
facult. l. 3.
Achas l. 2.
c. 79.

Seneca
Quaest.
Natur. l. 3.
c. 17.

Plin. H. N. l. 9. c. 17.

Macrob. Saturn. lib. 3. c. 16.

Juvenal.
Satyr. 4.

Seneca
Epist. 96.
Sueton. in
Tiberio.

Plin. H. N. l. 9. c. 17.

Martial. l. 2.

Turneb.
Adv. l. 14.
c. 3.